








et Encadrement
RAYSSE
rue Perrine
S^t FOY




























DISCOVRS CHRES-
TIEN, PAR VN ESCOLLIER
de la compaignye du nom de IESVS, sur
certains memoires & estatz dressez par le Roy
de Nauarre & son Conseil, pour l'entretien des
ministres hereticques, qui font assez recognois-
tre l'intention dudit sieur Roy & celle de ses
Conseillers & le danger ou se retrouue l'Eglise
Catholique Apostolique & Romaine, si elle
n'est maintenue, par la main de Dieu, & des
gens de bien qui restent encores en cest estat, zel-
lez & affectionnez, a ladicte Religion Catho-
licque.

C O P I E des lettres patentes du Roy de
Nauarre, avec l'estat dressé en son Conseil,
pour l'entretènement de certains Ministres
Hereticques.

HENRY par la grace de Dieu Roy de
France & de Nauarre, A nostre amé &
& feal Conseiller & Tresorier de nostre espar-
gne, maistre François Hotman Salut. Nous

voulons & vous mandons, que des deniers tant ordinaires que extraordinaires de nostre espargne, vous paiey, baillez & deliurez comptant, a nostre cher & bien aymé Maistre Salomon Brethon, par nous commis au payement & gaigés pensions & entretenemens des ministres des Eglises reformees & escolliers estudiās en Theologie, pour paruenir aux ministeres des prouinces & pays de Berry, Solloigne, Orleans, Blaizois, pays Chartrain, Dunoy, Hurpois & Auxerrois, La somme de trois mil huit centz escuz sol, que nous luy auons ordonnee & ordonnons par ces presentes, pour icelle conuertir & employer, au faict de sa commission: mesmement au payement desdites gaiges, pensions & entretenemens desdits ministres & escolliers, durant l'annee presente, a commencer le premier iour de lanuier dernier passé, suivant l'Estat que nous luy en auons ce iourduy faict expedier en nostre conseil. Et rapportant par vous cesdictes presentes, avec quictance dudict Brethon, surce suffisante, nous voulons ladicte somme de trois mil huit centz escuz sol estre passée & allouee en la despence de voz cō-

tes, deduite & rabatue de vostre recepte, par
 noz amez & feaulx, les gens de noz comptes a
 Tours. Ausquelz nous mandons ainsi le faire
 sans difficulté. Car tel est nostre plaisir. Donné
 au camp deuant Rouan, le seiziesme iour
 d'Auril, mil cinq cens quatre vingts douze, &
 de nostre Regne le troiſ-iesme, signé Henry &
 plus bas par le Roy, Potier, & scellees du grand
 sceau sur simple queue, & au doz est escript,
 enregistré au controlle General des finances, par
 moy souz-signé A Gisors le dixsept-iesme Iuin
 mil cinq cès quatre vingtz douze, signé Sublet.

Coppie d'autres lettres patentes.

HENRY par la grace de Dieu Roy de
 France & de Nauarre, a nostre cher & bien
 aymé maistre Salomon Brethon Salut. Comme
 nous ayons sur les remonstrances a nous faictes,
 par les deputez des Eglises de la Religion ref-
 formee de nostre Royaulme, auisé & resolu en
 nostre conseil, de pourueoir a l'entretienement,
 gages & pensions des ministres, seruant, aus-
 dictes Eglises & Escolliers estudians en Theo-
 logie, pour paruenir aux ministeres, ainsi qu'ils

A ij.

soulloient auoir auparauant nostre auenement
a la Couronne, suiuant ce qui fut resolu en las-
semblee Generale des Eglises tenue en nostre
ville de la Rochelle, au mois de Decembre, mil
cinq cens quatre vingts huiët, & que pour le
recouurement des deniers, qui seront par nous
destinez a cest effect, payement & distributions
d'iceulx ausdicts ministres & escolliers. Il soit
besoing de commetre quelque personne fidele &
experimanté au faict des finances. N o u s a
ceste cause, a plain confians de voz sens suffi-
sance, loyauté, preudhomie experience du faict
des finances & bonne dilligence: vous auons
commis, ordonné & député, commettans, or-
donnons & depputons par ces presentes pour
d'oresnauant entant qu'il nous plaira, a com-
mancer du premier iour de Ianuier, en vertu
des mandemens & rescriptions qui vous en se-
ront cy apres deliurees & mises entre les mains,
par noz amez & feaulx Conseillers & Tresor-
riers de nostre espargne, chacun en l'annee de son
exercice, faire la recepte & recouurement des
deniers, qui seront par nous ordonnez pour le
payement des gages pensions des ministres &

Escolliers estudians en Theologie, des Prouinces
& pais de Berry, Solloigne, Orleans, Blaisois,
pais Chartrain, Dunois, Hurpois, & Auxer-
rois : & d'iceulx faire payement & distributiõ
suiuant les estatx, que nous vous en ferons expe-
dier, en nostre conseil. Et rapportant lesquelz
par vous avec lesdictes presentes & quictances
de chascun desdicts ministres & escolliers, sur
ce suffisante, tant seullement : Nous voulons
toutes & chacunes les sommes de deniers, qui
par vous auront esté payees, en vertu desdicts
estatx, estre passees & allouees en la despence de
voz comptes, deduites & rabatues de vostre re-
cepte, par noz amez & feaulx Conseillers, les
gens tenans nostre chambre des comptes de pre-
sant transferee a Tours. Ausquelz mandons &
tres-expressément enioignons, ainsi le faire sans
difficulté : & de vous passer & allouer pareil-
lement en la despence de voz comptes, la som-
me de quatre centz escuz, que nous vous auons
ordonné & ordonnons par cesdictes presentes
pour voz gages salaires & taxations par chas-
cun an d'icelle permis & permettons prendre
& recevoir par voz mains, des deniers de vo-

estre charge & recepte, & ce sans aucune difficulté, Nonobstant quelconques ordonnances & reiglemens sur le faict des finances & lettres a ce contraires. Car tel est nostre plaisir. Donné au Camp deuant Rouan le dix sept-iesme iour d'Auril, l'an de grace mil cinq cēs quatre vingts douze, & de nostre regne le trois-iesme, signé Henry, & plus bas par le Roy, Potier. & scellée du grand sceau sur simple queue.

E S T A T de la depense que le Roy veut & entend estre faicte, en l'annee presente, mil cinq cens quatre vingtz douze, par maistre Salomon Brethon, a ce commis par sa maiesté pour le payement des gages, pensions & entretenement ordonné par sadiete maiesté aux ministres des Eglises reformees & escolliers estudiants en Theologie, pour paruenir aux ministres es prouinces & pays cy apres denommez, & ce pour ladiete annee a commencer du premier iour de Ianuier dernier selon qu'il ensuit.

Premierement Berry & Solongne.

A V sieur Dorival Ministre reformé en l'Eglise
de Sancerre, pour ses gages, pensions & entre-
tenemens de ladicte annee entiere la somme de
deux centz escuz, cy deux cent escuz.

A Garnier en l'Eglise d'Issouldun,
deux cents escuz.

A Salomon en l'Eglise D'argenton,
deux cents escuz.

A En l'Eglise d'Aubigny,
deux cents escuz.

A en l'Eglise de Chastillon sur Loyre,
deux cents escuz.

A en l'Eglise de Sauvage
deux cents escuz.

A en l'Eglise de Vierzon la Beuvriere,
deux cents escuz.

A trois escolliers estudians en Theologie, pour
paruenir au ministere dont roolle sera faict, par
les depputez du colloque desdictes Eglises, a rai-
son de soixainte six escus deux tiers, pour cha-
cun d'eux, cy deux cents escus.

Orleans, Blaisois, pays Chartrain, Dunois,
Hurpois & Auxerrois.

- A* V Sieur de en l'Eglise
reformee d'Orleans, deux cens escus.
- A* en l'Eglise de la Queuure,
deux cens escus.
- A* Textor, en l'Eglise de Gergueau,
deux cens escus.
- A* Orian, en l'Eglise de d'an Iau,
deux cens escus.
- A* Berger, en l'Eglise de la Roche Benard,
deux cens escus.
- A* Fontaine, en l'Eglise de Gien,
deux cens escus.
- A* Mellet, en l'Eglise de Chastillon sur loing,
deux cens escus.
- A* Chenet, en l'Eglise de Maligny,
deux cens escus.
- A* Trois escolliers, estundians en Theologie,
pour paruenir aux ministeres, dont roolle sera
faict, par les depputez du colloque desdictes E-
glises, a raison de soixante six escus, deux tiers,
pour chacun, cy deux cens escus.
- Pour les

Pour les frais & taxations du comptable, port,
voicture & recouurement des deniers & distri-
bution d'iceux aux deffusdicts, La somme de
quatre cens escus.

Somme de la despence du present estat, trois mil
huiet cents escus, Laquelle sa Maiesté, veut
estre payee & acquietee des premiers & plus
clairs deniers de son espargne.

Fait & arresté, au Camp deuant Rouan, le
dixseptiesme iour d'Auril, mil cinq cens quatre
vingts & deux. Signé, Henry.

Et plus bas,

Potier.

ET bien Messieurs, les Princes, Prelats, Of-
ficiers de la Couronne & autres, Noblesse,
villes, cōmunautéz & peuple de Frāce, distraicts
& separez du corps de l'eglise. Que direz vous,
qu'alleguerez vous, pour vous excuser & don-
ner quelque couleur au pretexte, que vous auez
pris, de soustenir l'hereticque: qui apporte tant
de malheurs, que nous voyons en nostre France,
voire la ruyne & la perte euidente de la relli-
gion Catholicque & mesmes la subuersion de

l'estat, par la sistance de vous autres messieurs
les Princes, par celle des Prelatz, & par les ar-
mes de la Noblesse & l'aide des villes & peu-
ple Catholique? Miserables que vous estes q'ua-
uez vous faict & que faictes vous encores? Ne
vous voulez vous point recongnoistre, iusques
a quant sera ce que demourerez auenglez? Ne
vous resouuenez vous poinct des promesses que
l'on vous fist à tous, tant en general qu'en par-
ticullier, apres la mort miraculeuse & diuine
de celuy qui regnoit sur nous? ne vous promist
on pas que dans trois ou six mois, on se feroit
Catholique, ce terme estant venu, ne vous re-
mist on pas a un autre plus long de trois autres
mois, & apres quand l'on la voulu presser &
semondre de sa promesse, il a fort bien fermé la
bouche, a ceulx la avec deffence de ne luy en
parler plus? Et maintenant vous voyez, par
ces lettres patentes cy dessus, a quoy l'on destine
la sueur du peuple & le bien de l'Eglise employ-
ant l'un & l'autre pour l'entretien des ministres
hereticques & d'une pepiniere d'heresie.

LES huguenotz plus subtils, cauts & captieux en leurs affaires & praticques, que nulz autres personnes de quelque qualité & nation qu'ils soient, n'oublient rien pour se preualloir de voz simplicitez, ou a mieux dire lascheté & perfidies enuers Dieu & vostre religion, pour l'auoir laschement oubliee & habandonnee, leur donnant temps & loisir de pouruoir a leurs desseings, de gagner & attirer les cœurs & vountez des Princes, Prelatz & de la noblesse. Ils ont estably vne court de parlement a Tours furieuse, sanglante, sans foy, sans ame & sans religion, pour forcer par leurs Edicts & arrestz ceulx qui auront encores quelque vertu, pour ne vouloir flechir deuant l'Idole. L'on scait assez, quel est le Procureur General, quel son pere & de quelle religion, semblable a celle des Rambouilletz leurs cousins. Quāt a l'Aduocat Seruin, l'on la choisy expres, pour n'en trouuer poinct vn plus plain d'impieté & de cruaulté & qui se souciaist moins de la Religion que luy : & seroit capable de tenir la place de Pilate pour condamner encores vn coup

I E S V S C H R I S T, s'il reuenoit au monde. Et est a la verité ledict Seruin aussi digne d'estre Aduocat General d'une telle court de Parlement & d'un hereticque comme messire Regné de Beaulne, destre son grand aulmosnier.

COMBIEN de menees, de praticques & d'artiffices, ont vsé les huguenotz, pour auoir & attirer a leur party, mōsieur de Neuers: ce Prince disie qui a rendu tant de preuues de l'integrité de sa foy, a faiçt tant d'œuvres pieux, institué des colleges, faiçt bastir des Eglises, marié des filles tous les ans en chacune de ces chastellenies, chargeant ses Iuges & officiers de prendre soigneusemēt garde de faire nourrir & esleuer lesdictes filles en la creance & crainte de Dieu: afin que quant elles seroient en aage d'estre mariees, ce ne feust a personnes, qui se sentissent tant soit peu de l'heresie, ou qui fussent huguenots; & s'est mōstré tellement religieux en toutes ces œuvres & sy pieux, que l'on la tenu pour vn saint homme. De quelle affection embrassa il la ligue au commencement: nul aultre tant que luy, ne s'y voyoit eschauffé, & auoit

on peyne a le retenir , qu'il n'entraſt aux
actes plus violens : & les conſeilloit & per-
ſuadoit , inſques a en auoir eu quelquesfois
priſe & parolle avec ſeu monſieur le Cardinal
de Guiſe, dans ſon logis de ſainct Denys, ou
il alloit en ce temps la ſouuant le viſiter, pour
la proximité de ſon hoſtel de neſle, au commā-
cement de la Ligue. Il eſt vray que quant il
eut mis ſes compaignons dedans, il feiſt vng
peu le lombard, & s'en alla aux bains de zuc-
ques, pour ueoir ce pendant comme les affai-
res paſſeroient de deça, laiſſant madame ſa
femme, avec ſa bonne amye madame de Retz,
non moins affectionnees l'une & l'autre que
luy a la Ligue, pour le rendre d'heure a autre
bien auerty de ce qui reuſſiroit de telle entre-
priſe, le commencement de laquelle feut ſi heu-
reuſemēt embrasſé de toute la nobleſſe & des
peuples, qu'il y auoit preſſé a ſi enroller: ce que
congnoiſſant ces bonnes Dames, & les bons
ſuccez de la Ligue, & qu'il eſtoit tēps qu'il ſe
declaraſt a bon eſcient, pour participer a l'e-
ſperance, qu'il y auoit d'un heureux ſuccez

aux affaires d'icelle, n'espargnerent les courriers pour le faire retourner. Luy qui est le plus ambitieux Prince, que la terre porte: & neantmoins qui le veult le plus couvrir & dissimuler: accompagné d'un entendement subtil & bon, s'il ne pèsoit estre trop fin: & s'imagine que ses conseils sont tousiours plus prudents que tous les autres: & qui ne vouloit en rien ceder a feu monsieur de Guise, contre lequel, il a tousiours porté une extrefme enuie: & s'imaginoit qu'il le deuoit preceder alléguant qu'il estoit plus viel Capitaine que luy: & considerât d'ailleurs ne pouuoir estre assez a temps en France pour demesler ce qui s'offroit par les armes, il faillloit qu'estant porté en Italie, il employast son credit a faire ung coup de sa main. Et de faict faisant le Cormehet & chien couchant a la porte du Pape, flatant & courtisant tantost un Cardinal, tantost l'autre, il ioue si bien son personnage & parla si auantageusement a la faueur & en si bons & honorables termes du feu Roy Henry dernier, qu'il le feist excommunier &

en retira un bres, qu'il raporta avec luy : des-
peschant aussy tost vers monsieur de Guise,
pour luy en donner aduis, & qu'il retournoit
en France avec ledict bres. Mais comme ledit
sieur de Neuers est long en toutes ses actions,
ayant laissé assez mauuaise impression a ses
compaignons qui ne le tenoient pas pour bien
ferme en ses resolutions, & fort peu asseuré:
Ilz auoient sans luy ia traicté de leurs affai-
res avec la Royne, pour la paix qui se fist a
Nemours. Voyla ledict sieur de Neuers, sca-
chant ceste nouuelle, en collere contre eux, &
desesperé de s'estre trop manifesté : s'assurant
bien, que le Roy n'ignoroit rien de tout ce
qu'il auoit geré & negocié contre luy en Ita-
lie : & feut long-temps retiré chez luy entre
la crainte & l'esperance, dont la Royne mere
l'entretenoit de rabiller ses affaires : & y a-
uoit plusieurs allees & venues, tesmoing le dis-
cours qu'il fist lors en forme du manifeste, qui
demonstre assez, comme il se veult iustifier de
toutes ces choses : ce plaignant mesmes de mō-
sieur de Guise. Toutesfois sa demarche n'est pas

bien assuree & la change souuent. Ceste bonne femme, qui a tousiours enuié tant qu'elle a vescu la prosperité de tout le monde, & en contr'eschange voulu entretenir ceulx qu'elle a veuz rabaissez, & dont elle n'auoit point de craincte, entreprit de le remettre en grace : se voulant par ce bon office seruir de luy, au voyage quelle fist en Guyenne, a la conferance de Nerac, ou elle le mena : & la il se montra assez roide, au faiët de la relligion contre le Roy de Nauarre, qui ne l'en a a mon aduis gueres aymé depuis.

I E sens bien, que ie m'esloigne un peu de mon discours, pour faire ceste digression, qui me semble toutes fois, n'estre du tout hors de propos, pour ce que pour venir, a la conclusion, il m'a semblé estre necessaire, de vous faire veoir, le maintien de ce Prince qui s'est montré, iusques a ceste heure tant Catholique, & maintenant vous le voyez porter les armes pour planter l'heresie en France, & ruynier la relligion. Car encores qu'il ne le desire pas cōme ie m'en

me ie m'en assure & que ie l'oferois iurer : Il est certain, que si les affaires du Roy de Nauarre prosperent, qu'il establira sa Religio, pour abolir la nostre, laquelle durât la sienne ne peult prendre pied . Et croy vrayment , que le bon Prince se repent d'y estre entré sy auant. Voyons doncq' comme il sy est embarqué. Les huguenotz ont tasché par tous moyes de l'attirer a eux, plus pour le nom & la qualité, que pour l'amitié, qu'ils luy portent. Il s'estoit retiré en sa maison du temps du feu Roy , & en auoit pris un assez honnorable pretexte , qui feut quand le feu Roy se resolut de se seruir du Roy de Nauarre & des huguenotz : a quoy il s'opposa formellement , & profetisa que ce seroit la ruyne du Roy & de son estat , s'il le faisoit, comme il est apparu. Il maintenoit encores, que le Roy pouuoit ruyner & la Ligue & les huguenotz tout ensemble , ou separement : estimant par ses conseilz que le Roy de Nauarre estant exclus d'un costé, monsieur de Guise de l'autre, & par consequent la maison de Lorraine, du maniment des armées

en ceste guerre (faisant peu d'estat du reste
des Princes de la maison de Bourbon) Il ce
prometoit que luy seul auroit le commande-
ment & la puissance souueraine es armées du
Roy. Mais il se trompe fort le bon homme,
& voyant ses conseilz mesprisez, desesperé
de ne pouuoir paruenir a l'un ny a l'autre de
ces desseins: il faiët le mal contant, & se reti-
re chez luy a Neuers, & y demeure long-
temps, sans que lon s'en souciaist guerres, ny
d'un party n'y d'autre: encores qu'il se fust per-
suadé tout le contraire, & que l'on l'enuoy-
roit incontinant rechercher: ne ce pouuans
tous les deux partis passer de luy. Et soubz
ceste imagination, enquoy il s'est souuant abu-
sé en ces conceptions, & plus qu'aucun que
i'aye iamais congnu, pour le trop de confiance
qu'il a en sa sapience. Ayant doncq languy &
temporisé long temps chez luy: il s'en ennuya
& madame sa femme encores plus, qui n'a
point faulte de courage. L'un & l'autre se
trouuent en grande perplexité: recongnoissâts
que la pire cōdition estoit celle, ou ilz se voi-

oient lors, mesprisez de tous les deux partis,
non recherchez d'un seul & aimez de pas un.

AYANT ledict sieur de Neuers, le
cerueau my party, se trouue bien empesché de
prendre vne resolution: Car de rentrer en la
Ligue, sans y estre conuié, & n'ayant voulu
reconnoistre feu monsieur de Guise, pour su-
perieur: Il l'eust par raison encores moins
faict de monsieur de Mayenne, lequel se trou-
uoit lors choisy, nommé & esleu pour chef des
Catholiques. Il scauoit bien aussi, que le Roy
de Nauarre ne l'aimoit pas: & d'ailleurs, il
a quelque scrupule sur sa conscience, de ce que
l'on dira de luy, s'il habandonne sa religion,
pour se ioindre a l'heretique: craignant nos-
tre saint Pere le Pape & les censures Ecclési-
astiques. Disant souuant, que sy on le pouuoit
resouldre de ce poinct la, il embrasseroit le
party du Roy de Nauarre. Les huguenotz
voiantz, qu'il en estoit la logé, ne faillirent
point de le sollicitter, comme font les Diables
a un homme quant ilz le treuuent en quelque

peché, luy presentant tousiours des obietz les plus attrayants qu'ilz peuuent, pour luy plōger plus auant. Et pour luy oster ce scrupulle qu'il auoit sur la conscience, luy apportent vne atestation de trois venerables Euesques, qui estoient messieurs de Bourges, de Nantes, & du Mans, qui iuroient & protestoient sur leurs sainctes ordres, qu'il ne pouroit iamais faire œuvre plus sainct, ny plus agreable a Dieu, que de tourner ses armes & ses pensees a l'extermination de la Ligue, & de seruir le Roy de Nauarre. On n'oublia pas aussi de gagner madame sa femme, a quoy il n'y eut pas grand peine, pour ce qu'elle estoit desia assez animee à cause de l'emprisonnement de madame sa fille a Amyens, & que le sieur de saint Paul s'estoit emparé du Duché de Rethelois & auoit fauché son pré: qui la poussa en telle vehemance de collere, que iamais depuis elle ne cessa, qu'elle n'eust fait prendre resolution à ce miserable Prince, de se precipiter, pour le contenter.

A P R E S auoir commis ceste faulte, il en
fist encores vne seconde, qui ne fent gueres
moings lourde, soit pour mōstrer qu'il se vou-
loit rendre irrecōciliable avec ceux de la Ligue,
ou pour se vouloir excuser d'en auoir esté. Il
fist faire vn liure; ou bien le fist luy mesmes,
par lequel il blasme & accuse ses plus proches
parens & amis, ceux avec lesquels il a plus
confidāment traicté & negotié: inuectiuant
contre la maison de Lorraine & tous ceulx
de la Ligue, sans auoir bien consideré luy qui
est si sage & si prudent, que l'on a fort bien de-
quoy luy respondre qui en voudroit prendre
la peine, Mais pour ce coup il n'aura que cecy
moiennant qu'il s'en contente: mais s'il replic-
que nous emprunterons les memoires de Tur-
les, l'un de ses secretaires, qu'il chassa a la Gre-
nache, pour ce qu'il scauoit qu'il estoti affe-
ctionné au party Catholique. Mais il ne fent
pas si mal auisé, de le laisser esloigner mal cō-
tant de luy & le donna au sieur de Gesure
pour estre son commis: & feist saigement, car
ceste teste de gascon qui a depuis dix ou douze

ans & plus escript soubz luy tous ces memoires, congnoist le fondz de sa conscience. Et vous assure qu'il le depeint de toutes ces couleurs.

I E reuiens maintenant a mon propos: voila monsieur de Neuers dedans: comment les huguenotz ce sont ilz comportez vers les autres seigneurs, pour les apriuoiser. La noue ent charge de n'abandonner poinēt monsieur de Longueville, soubz pretexte de luy seruir de conseil, pour les affaires de la guerre: mais cestoit pour prendre garde a luy, a ses actions & deportemens & des chefs de la Picardie. Pareillement pour mesme cause ilz mirent aupres du sieur de Giury Parabelle pour luy seruir de gouuernant. Voila doncq la fiance que les huguenotz ont de vous autres messieurs les Catholiques, & comme ilz vous fauent mener & conduire par le nez, comme les buflies se mocquans de vous autres.

I L ny a pensee si secrette, ny dessein si

couuert, qu'à la longue & que par la pratique & conuersation qui se faiet entre les hommes, l'on ne puisse encores en recognoistre quelque chose. Celuy du Roy de Nauarre n'est pas sy obscur, que l'on ne voie clairement au trauiers & que l'on ne recongnoisse bien quel est son but. Dictez moy, qu'elle gratiffication a il faiete a aucuns de vous autres Catholiques, depuis l'auenement a son regne pretendu, vous a il donné quelque grades, quelques vngs des grands offices qui ont vacqué, vous a il mis quelque bonne & principalle force entre les mains. Non il ne se ueoit point. Prenons le reuiers de la medaille n'a il pas achepté & paye de ses deniers, vingt deux mil escus, l'estat de premier Maistre d'hostel, qu'auoit le sieur de Montigny qui est Catholique, pour le donner à Sansy qui s'est faiet de nouveau hereticque, n'a il pas achepté l'estat de Capitaine des gardes Escossoises d'un Catholique, qui estoit Chasteau-vieux, pour le donner à un huguenot, qui est le Comte de Montgoumery, & la assigné sur le comté de Castres de vingt mil

escuz. La premiere compaignye des gardes françoises que commandoit Cleremont d'Antragues a vacqué par sa mort quant il fust tué a la bataille d'Iury, ou entre quatre mil cheuaulx que lediēt sieur Roy de Navarre auoit, il ne si en trouua pas deux cents de Huguenotz, le reste vous estiez tous Catholicques & feustes cause de luy faire gagner ceste bataille. Neantmoins il donna a vostre barbe lediēt estat des gardes au sieur de la Force huguenot. Il se trouueroit assez d'autres semblables exemples, qui les voudroit bien rechercher: & mesmes que l'on n'apporte plus de difficulté, à la cour de Parlement a Tours, a la reception des officiers, qui sont receuz contre les ordonnances, sans que l'on face information de leur foy: & sont receuz sans distinction de religion. Et depuis peu a esté receu un Conseiller en ladiēte Cour, tres-ferme Huguenot, dont les Ministres ont rendu graces à Dieu en leurs Eglises, pour vn si beau acheminement en leurs affaires.

Voions

IL a vacqué deux estatx de Mareschaulx
de Frāce, le premier celuy de monsieur de Ioy-
euse, que le Roy de Nauarre donna aussy tost
qu'il en eut la nouuelle a mōsieur de Bouillon,
a la barbe de tous les bons seruiteurs du feu
Roy: & tous tant que vous estiez plus vieilz,
& qui deuāt ledit sieur de Boillō auiez eu les
autres dignitez & grades: mais il vous a pas-
sé ceste plume par le becq. Iugez par la l'estime
qu'il faiēt de vous, & qu'elle esperance vous
denez auoir de paruenir a telz grades & di-
gnitez, & autres principales charges tant
qu'il y aura quelque huguenot a pourueoir.
Nous auons bien sceu que quelques uns en
murmuroient, & entre autres monsieur de
Neuers, qui voulut alleguer les promesses
qui auoient esté faiētes aux Catholicques, de
ne donner telles charges aux huguenotz: mais
il luy fallut aussy tost faire declaration, pour
n'auoir vne dispute contre ledict Sieur de
Bouillon, que ce qu'il auoit dict n'estoit pas
pour le mespriser, l'estimant bien digne & ca-
pable de telle charge, quant a son merite: mais

qu'il auoit peur que cela nuisist au seruice du Roy son maistre, pour les promesses contraires qu'il auoit faictes aux Catholiques: & par ceste rodomontade l'on vous ferma la bouche à tous, coupant chemin pour l'aduenir a telles remonstrances. Depuis monsieur de Biron est mort qui auoit une semblable charge, qui a vacqué par sa mort, & la eust on volontiers donnée comme l'autre, comme il ny a doubte que ce ne soit son intention. Mais il a estimé qu'il falloit attendre un peu de temps, pour moderer vos coleres, mais biē tost vous entendrez dire que Lesdiguières en aura esté pourueu: & vous representera les grands seruices qu'il faict en Dauphiné, faisāt teste a mōsieur de Sauoye, vous beflant ainsi. Vous traouillerez Messieurs pour les huguenots, qui profiteront de vostre sang & de vos peines: & ne participerez avec eux a aucuns grades qu'a vous damner de compaignyes, puis que vous leur adhezerez en terre vous les suiuerez aussy en enfer.

VORONS maintenant , comme il s'est
comporté en la prise des places , s'il en a pris
quelqu'une sur un passage de riuere, il s'est biē
gardé d'en commettre la charge a vn Catholi-
que : tant pour ce qu'il ne se fie pas tant en
vous, comme il faict aux huguenots: que pour
ce qu'il desire les augmenter en honneurs, gra-
des & dignitez , & leur donner moyen de
prouffiter & s'enrichir: & qu'il ne soit vray
la grande quantité de la noblesse huguenotte
est en Poictou. Voyez s'il s'en retrouue vn au-
pres de luy a le courtiser . Mais au contraire,
ilz sont en leurs maisons a faire grand chere,
se visitans les vngs les autres, allans a la chas-
se & iouissans de tout le bien ecclesiastique
dudict pais, quē le Roy de Nauarre leur a
donné.

VOULEZ vous encores vne plus grand
preuue, comme pied a pied & peu a peu l'on
sapela Religion Catholique, & vous faict
on passer & toller des choses, que vous auez
cent fois iurees de ne souffrir & n'endurer

poinct, comme de ueoir faire les presches hereticques en voz presences, la cene dauant vous, au mespris du saint Sacrement, que nous adorons. De nouueau n'a on pas rompu l'Edict par lequel telz cxercices estoient deffenduz. N'a on pas planté l'heresie par toute la France. Et vous mesieurs les Gouverneurs des Prouinces & villes Catholiques, ne les auez vous pas restabliz vous mesmes. Et toussfois vous iuriez & protestiez il y a trois ans que vous mourriez plustost, que de voir cela, le souffrir & l'endurer. Souuenez vous que vous en respondrez un iour deuant Dieu, si vous ne vous amandez, & que vous ne vous recongnoissiez, faisant aultant de seruice a vostre Religion, comme vous y auez fait de mal.


*Q*UE recullirons nous doncq de ce discours & quel prouffict en pourrons nous faire. Popineray le premier, comme si ie raportoie ce procez, & vous diray, Messieurs, que quant a moy ie concludz, que l'intention du Roy de


Nauarre ne tend a autre chose qua la subuer-
sion de la Religion Catholique: & qu'il con-
seruera les huguenotz tant qu'il pourra, les
nourrissans d'honneurs, d'estats & de moyens
le plus auantageusement qu'il pourra: ce pen-
dant qu'il faiēt tuer & massacrer les Catho-
liques, les vngs cōtre les autres pour les affoi-
blir. Et croy qu'il reçoit autant de contente-
ment, quād il meurt vn chef des siens, moien-
nant qu'il soit Catholique, comme vn des nos-
tres, estimant que celuy est tousiours gaing. Je
croy encor qu'il ne desire aussi rien tāt, que de
venir aux mains avec nous par vne bataille,
pour ce que naturellemant il est tref-braue &
vaillant & que la hazardant la plusspart de
la Noblesse Catholique y mourra au combat,
soit de son party, soit du nostre. Et si luy en
eschappe & que Dieu luy dōnast pour noz pe-
chez la victoire: les huguenots qu'il garde a cest
effect de reserve serōt lors incontīnāt rappelez
& vous dira ouuertemēt voyant les Catholi-
ques tant affoiblis, qu'il ne veult plus de mes-
se en son Royaume, mais au contraire, que


chacun viue comme luy en sa religion: se promettant bien par l'exemple, qu'il a de vostre tiede foy, qu'il n'aura pas grand peine a vous conuertir, & que vous obeirez aisement a sa volonté. Les bons Catholiques seront en bien petit nombre, mais ce sera comme le bon grain, que l'on a criblé & tryé d'avec l'Iuroie pour faire vne bonne & nette semance: & se retireront dedans les bonnes villes pour, attendre la misericorde de Dieu, qui ne les habandonnera poinct, sa parolle estant vraie. Il a dict que son Eglise ne perira iamais, croions le & viuons en ceste assurance. Et vous prie messieurs les Princes, la Noblesse, peuple Francois & Catholique de vous recognoistre tous. Je dis ceulx qui sont deuoyez de l'Eglise, reconciliez vous avec Dieu premierement & puis avec nous. Reunissons nous ensemble, considerez ce discours, & s'il n'est bien poly & bien limé prenez en ce qui peult estre bon & utile a vn chacun: vous le trouuerez du moins avec de tresgrandes apparences, que nostre Religion Catholique court fortune &


est en danger, si chacnn n'y aporte l'espaule
pour la soustenir. Et vous messieurs les Prin-
ces, la Noblesse & tiers estat, qui auez pris
courageusement les armes pour la deffense de
la foy, perseuerez, continuez, alles hardiment
aux combatz, ne craignez poinct la mort,
vostre cause est bonne, elle est sainte, elle est
iuste. Nous sommes naiz pour mourir, &
pour reuiure, en bien mourant, Paradis vous
est ouuert. Quāt vous mourrez en ceste querel-
le, ne doubtez poinct que ne soiez receus au
sein d'Abraham. Et tiens quant a moy, que si
vous autres messieurs les chefs & Cappitai-
nes pouuiez reigler vos soldats a recongnoistre
mieux Dieu, qu'ils ne font & estre moings
vitieux: & que tous ensemble vous n'allissiez
a la guerre, que pour le maintien de la Relli-
gion & l'honneur de Dieu, chassant la Pail-
lardise, l'auarice & les cruaultez qui se com-
mettent sur le pauvre peuple: Dieu feroit
prosperer vos œuures & vous aussy pareille-
ment & vous beniroit tous, & feroit que cent
de vous autres avec la foy, en battriez mil de

voz aduersaires, comme faisoient ces bons
Machabees. Et s'il y a quelques erreurs en ce
discours & mauuais termes, touchant les ar-
mes i'en doibs estre excusé en parlant comme
clerc d'armes, ma proffession ne m'ayant ap-
pellé a cela.

















THE
NEWBERRY
LIBRARY

